

CYTUNDEB PERTHYNAS RHWNG  
PRIFYSGOL GLYNDŴR WRECSAM  
AC  
UNDEB MYFYRWYR GLYNDŴR WRECSAM

<b>Adran</b>	-		
<b>Awdur</b>	Clerc i Fwrdd y Llywodraethwyr/Undeb y Myfyrwyr		
<b>Awdurdodwyd gan:</b>	Bwrdd/Undeb y Myfyrwyr		
<b>Gweithredwyd gan:</b>	BIG/Bwrdd y Llywodraethwyr/Undeb y Myfyrwyr		
<b>Cyfeirnod:</b>	STBG1718030		
<b>Newydd/Cyfnewidiwyd:</b>	STBG1112005		
<b>Fersiwn Rhif:</b>	F1	<b>Pwyllgor Cymeradwyo:</b>	UyM Enwebiadau a Llywodraethiant Bwrdd y Llywodraethwyr
<b>Dyddiad cymeradwyo:</b>	7 <sup>fed</sup> Gorffennaf 2017	<b>Cofnod rhif:</b>	- 16.37 16.85.04
<b>Statws:</b>	Cymeradwyo	<b>Dyddiad Gweithredu:</b>	1 <sup>af</sup> Awst 2017
<b>Cyfnod cymeradwyo:</b>	5 mlynedd (galw am adolygiad blynyddol)	<b>Dyddiad Adolygu:</b>	Gorffennaf 2022

**CYTUNDEB PERTHYNAS RHWNG  
PRIFYSGOL GLYNDŴR WRECSAM  
AC  
UNDEB MYFYRWYR GLYNDŴR WRECSAM**

## **1. Cyflwyniad a cyd-destun**

- 1.1 Nod y cytundeb perthynas hwn yw darparu cyfeirnod eglur ar gyfer y Brifysgol ac Undeb y Myfyrwyr, ac amlinellu'r sylfaen ar gyfer y berthynas rhwng y ddau a'r egwyddorion y bydd y ddau yn gweithredu oddi tanynt.
- 1.2 Mae'r cytundeb perthynas yn cymryd i ystyriaeth ofyniad cyfreithiol y Corff Llywodraethu o dan Ddeddf Addysg 1994 i sicrhau y dylid sefydlu Undeb Myfyrwyr sy'n '*gweithredu mewn modd teg a democrataidd ac yn atebol am ei gyllid*'. Mae'n tynnu ar brosiect 'Llywodraethiant Da' UMC Mawrth 2011 a ddynododd egwyddorion allweddol sy'n ategu perthnasau gwaith rhagorol rhwng Undebau Myfyrwyr a sefydliadau addysg uwch a ardystwyd gan Brifysgolion y DU, y Pwyllgor Cadeiryddion Prifysgol a GuildHE; a chylchlythyr CCAUC W14/06HE *Arweiniad diwygiedig ar arfer da wrth gyllido undeb myfyrwyr effeithiol, democrataidd, a chynrychiolaeth myfyrwyr*.
- 1.3 Mae'r Brifysgol yn cydnabod fod Undeb y Myfyrwyr yn bartner pwysig sydd yn chwarae rhan allweddol mewn gwella profiad myfyrwyr.

## **2. Cefndir**

- 2.1 Ymgorfforwyd Undeb Myfyrwyr Glyndŵr Wrecsam ar 1<sup>af</sup> Awst 2016 gan sefydlu corff elusennol newydd gyda'r nod o hybu addysg myfyrwyr ym Mhrifysgol Glyndŵr Wrecsam er lles y cyhoedd trwy:
  - i. hyrwyddo lles a buddiannau Myfyrwyr ym Mhrifysgol Glyndŵr yn ystod eu hastudiaethau a chynrychioli, cefnogi a chynghori Myfyrwyr;
  - ii. fod y sianel gynrychioliadol gydnabyddedig rhwng Myfyrwyr a Phrifysgol Glyndŵr ac unrhyw gyrff allanol eraill; a
  - iii. darparu gweithgareddau cymdeithasol, diwylliannol, chwaraeon ac adloniadol a fforymau trin a thrafod ar gyfer datblygiad personol ei Fyfywyr.
- 2.2 Cefnogir y cytundeb perthynas hwn gan y canlynol:
  - i. Cyfansoddiad Undeb Myfyrwyr a fydd yn cael ei adolygu ganddynt bob pum mlynedd o leiaf a'i ardyrstio gan Fwrdd y Llywodraethwyr;
  - ii. cod ymarfer, a gyflenwyd gan Fwrdd y Llywodraethwyr, sy'n nodi'r modd y dylai gofynion y Ddeddf Addysg gael eu gweithredu o ran gweithrediad, materion ariannol, tadogaethau a chwynion yr Undeb;
  - iii. memorandwm cytundeb rhwng y Brifysgol a'r Undeb yn nodi cyfrifoldebau ac ymrwymadau Undeb y Myfyrwyr a'r Brifysgol, y berthynas ariannol a sianeli cyfathrebu;
  - iii. Siarter Myfyrwyr wedi'i ysgrifennu a'i adolygu ar y cyd rhwng y Brifysgol ac Undeb y Myfyrwyr bob blwyddyn a'i rannu gyda Bwrdd y Llywodraethwyr.

### **3. EGWYDDORION**

3.1 Mae Prifysgol Glyndŵr ac Urdd Myfyrwyr Prifysgol Glyndŵr yn cytuno i fabwysiadu'r egwyddorion canlynol fel sail eu perthynas waith:

#### **3.1.1 Partneriaeth Strategol**

Ysbryd o bartneriaeth rhwng y Brifysgol a'r Undeb yn hysbysu cyfeiriad strategol y ddau ac yn hysbysu cytundebau gwasanaeth.

Cyfranogiad cytbwys cynrychiolwyr yr Undeb mewn cyrff gwneud penderfyniadau sefydliadol allweddol.

#### **3.1.2 Myfyriwr-Ganolog**

Cyd-ymroddiad i ddatblygu a gwella profiad myfyrwyr o agweddau academiaidd ac allgwrwicwlaidd eu bywydau.

#### **3.1.3 Parch a Dealltwriaeth**

Eglurder ynghylch, a dealltwriaeth o'r ddeutu o rolau penodol y Brifysgol ac Undeb y Myfyrwyr a'r gwerth y mae'r ddwy ochr yn ei ddwyn i'r berthynas.

#### **3.1.4 Gonestrwydd ac Ymddiriedaeth**

Cyfathrebu rheolaidd llawn ac agored ynghylch materion perthnasol, yn arbennig materion sy'n debygol o gael effaith ar yr ochr arall, poblogaeth y myfyrwyr a/neu fudd-ddeiliaid ar y cyd eraill.

#### **3.1.5 Cefnogaeth ac Ymroddiad o'r Ddeutu**

Rhyngweithio adeiladol. Ymroddiad amlwg i wneud i'r berthynas weithio trwy fuddsoddi amser ac adnoddau.

#### **3.1.6 Annibyniaeth**

Cydnabyddiaeth o werth Undeb Myfyrwyr cryf, myfyriwr-ganolog sydd â'r grym i benderfynu ar a rheoli ei faterion ei hun. Cydnabyddiaeth o'r angen i'r Brifysgol fantoli buddiannau ystod o fudd-ddeiliaid o fewn cyd-destun allanol cynyddol heriol.

#### **3.1.7 Atebolrwydd**

Atebolrwydd Undeb y Myfyrwyr i'r Brifysgol fel goruchwylydd (o dan Ddeddf Addysg 1994) a phrif gyllidwr, o fewn fframwaith y cytunwyd arno gan y ddeutu, sydd yn gadarn, yn effeithiol, yn effeithlon ac yn gydnaws â gofynion cofnodi rheoleiddwyr eraill, megis y Comisiwn Elusen a/neu dŷ cwmnïau.

Cydnabyddiaeth gan y Brifysgol fod Undeb y Myfyrwyr yn fudd-ddeiliad o bwys a'r prif gorff sy'n cynrychioli llais y myfyrwyr.

### 3.1.9 Llais y Myfyrwyr

Cydnabyddiaeth gan y Brifysgol fod Undeb y Myfyrwyr yn fudd-ddeiliad o bwys a'r prif gorff sy'n cynrychioli llais y myfyrwyr.

Bydd y Brifysgol ac Undeb y Myfyrwyr yn gweithio ar y cyd i gydnabod llais y myfyrwyr trwy ystod o ddulliau, er mwyn sicrhau fod myfyrwyr yn bartneriaid i'r Brifysgol ar bob blefel.

#### 3.1.10 Cyllid

Bydd y Brifysgol ac Undeb y Myfyrwyr yn ystyried swyddogaethau craidd ac ychwanegol yr Undeb ac yn cytuno ar gyllid priodol.

### 4. Perthynas Waith

Bydd yr egwyddorion a amlinellir uchod yn berthynasol i bob rhyngweithio rhwng y ddwy ochr ac yn arbennig o bwysig pan gynhelir cyfarfodydd ffurfiol rhwng y ddau gorff, a'r prif rhyngweithio fydd cyfarfodydd rheolaidd Bwrdd yr Is-Ganghellor, y mae Llywydd Undeb y Myfyrwyr yn aelod ohono.

### 5. Adolygu

Bydd y cytundeb perthynas hwn yn cael ei adolygu ar y cyd bob blwyddyn gydag Undeb y Myfyrwyr ac yn cael ei gyflwyno i Fwrdd y Llywodraethwyr yn y cyfarfod olaf ym mhob blwyddyn academiaidd.

**Ardystwyd gan:**

#### 5.1 Bwrdd y Llywodraethwyr

Llofnodwyd:

Dyddiad:



12<sup>th</sup> July 2019

Maxine Penlington OBE  
Cadeirydd Bwrdd y Llywodraethwyr

#### 5.2 Bwrdd yr Is-Ganghellor

Llofnodwyd:

Dyddiad:



Yr Athro Maria infelaar  
Is-Ganghellor a Phrif Weithredwr

#### 5.3 Undeb Myfyrwyr Prifysgol Glyndwr Wrecsam Undeb Myfyrwyr

Llofnodwyd:

Dyddiad:



16/7/19

Kieran Irwin  
Llywydd Undeb Myfyrwyr Glyndwr Wrecsam 2019/20.